

Gäb si mir wenigstens d Vorwau
 Per favore
 Nja, ey
 Per favore
 Ohh, gäb si mir wenigstens d Vorwau
 Per favore
 De gäbs nume no 10 Millione Kombinatione, ja

„0-7-9“ het si gseit
 „Du weisch immer no nüt“, het si gseit
 Nidmau tschüss het si gseit, ey
 Und i frage si ob ig ihri - tüt tüt tüt het si gseit tüt tüt
 „0-7-9“ het si gseit
 „Du weisch immer no nüt“, het si gseit
 Nidmau tschüss het si gseit, ey
 Und i frage si ob ig ihri - tüt tüt tüt het si gseit
 Yeah

I lüte jede Tag ar Uskunft aa
 U möcht ihri Nummer ha
 Wär lütet hüt no dr Uskunft aa?
 Viu schaffe nümme da
 Nume no si u no zwöi angri
 Heisst, jedes dritte Mau isch si dranne
 Si gäb mir jedi Nummere, Nummere
 Nume ihri git si mir nid
 Gäb si mir wenigstens d Vorwau
 Per favore
 De gäbs nume no 10 Millione Kombinatione, ja
 U weni nächär pro Minute drü vo de Nummere usprobier
 De chönns maximau nume sächsehaub Jahr lang ga bisi ihri fing

„0-7-9“ het si gseit
 „Du weisch immer no nüt“, het si gseit
 Nidmau tschüss het si gseit, ey
 Und i frage si ob ig ihri - tüt tüt tüt het si gseit tüt tüt
 „0-7-9“ het si gseit
 „Du weisch immer no nüt“, het si gseit
 Nidmau tschüss het si gseit, ey
 Und i frage si ob ig ihri - tüt tüt tüt het si gseit tüt tüt

Und jitz bini sit Jahre
 Immer fautsch verbunde
 Und am Schluss blibt mir tatsächlich numen e Nummre, nume no ei Nummre
 U woni die ytip mit zittrige Finger
 Und i mir sicher bi das die doch muess stimme
 Ghöri plötzlech das öbber drann isch
 U wäge däm ghöri das Tram nid
 Wo no het wöue brämsen aber es längt lang nid
 Es renne Lüüt hären u aus verlangsam sich

„1-4-4“ hei si gseit
 „Wie isch das nume passiert?“, hei si gseit
 „Huere Siech“, hei si gseit, ja
 U si winke d Ambulanz häre, „Hie hie hie“ hei si gseit „hie hie“
 „1-4-4“ hei si gseit
 „Wie isch das nume passiert?“, hei si gseit

„Huere Siech“, hei si gseit, ja
U si winke d Ambulanz häre, „Hie hie hie“ hei si gseit „hie hie“